



252

3118



張三丰先生全集

漢嘉長乙山人李西月重編

張道淵子深敬書

閩中朱道生晚成子敬刊

姪

朱

瑛春城
瓚素園全校
璜礪溪

古文

陳雷谷傳

雷谷仙翁陳可復定海人也。生而疎爽，丰骨不凡。自少好仙術，無功名意。遇平江林道人銓，傳以召雷法時值。

5909
6127

大旱禱祈莫應。或有戲者曰：陳道士能召雷雨。命至官庭，將俟其不驗而侮辱之。可復即以法興雲。須臾雷電大作，雨下尺餘。常至勤之天慶觀，中秋有方士賞月，可復不與其會。戲以墨水噴空，頃即烏雲蔽月，而雨黑。雨坐客驚避，衣盡緇矣。衆知其所為，延之入席，雲取霧斂，月復朗然。其響應率皆類此。至元間，世祖詔見命主長春宮暇，則杜門靜坐，不與客見焉。

陳中行傳

元江東明道書院山長教授温州。陳公名遇，字中行，金

陵人也。公外和內剛，深知大義。明太祖渡江，御史秦元薦之。帝致書徵至，與語大悅，俾典戎務，咨以機密，授供奉。不受。後又拜學士中書左丞、宏文大學士、太常卿、禮部尚書，皆辭。又賜金帛等物，亦不受。高廟三幸其第，引入內，賜坐，病則賜醫藥。年七十二，無疾而終。帝再三震悼，賜以棺帛。當時在廷公卿皆以為無此寵遇。方公之初見太祖也，只勸其戒殺，以為生民之望。及詰以元政，何如？公惟流涕而已。詔對之暇，焚香危坐，若山中老僧者。太祖數遣人覘之，公正念金剛經曰：如是以降，伏其

心。以。如。是。降。伏。其。心。故。始。終。不。相。疑。焉。然。其。不。受。人。職。亦。可。謂。忠。於。元。者。也。元。史。不。載。吾。故。表。而。誌。之。

完璞子列傳

完璞子姓程名瑤字先杓新安人徵士搏霄之子也狀貌魁梧性情豪宕母倪氏夢神人以赤玉授之而生幼有神悟誦經史如已熟讀者然倪氏卒哀毀如成人自是日日勤學所謂孔孟心傳河洛宗旨皆貫通焉及長娶周氏氏名錫字元姬長知書理閱綱目傳記能較其異同稱閨中博士姬於君為同庚而君生以冬至元姬

生。以。夏。至。益。一。少。陽。一。少。陰。也。孝。翁。敬。夫。暇。則。聆。先。杓。誦。讀。恒。以。義。理。相。質。搏。霄。棄。世。後。守。制。如。禮。服。闋。北。游。宋。濂。一。見。卽。竒。之。曰。風。塵。外。物。搏。霄。為。不。死。矣。尋。辭。去。從。吳。楨。學。劍。甫。期。月。而。卽。盡。其。能。乃。背。劍。出。游。遇。王。仲。都。於。句。曲。授。以。大。道。命。擇。地。修。煉。遂。還。北。岳。潛。修。十二。載。道。成。時。年。三。十。六。也。始。歸。家。見。元。姬。課。子。讀。書。遂。獨。寢。中。堂。元。姬。潛。窺。見。其。趺。坐。於。榻。頂。有。金。光。照。耀。一。室。詰。朝。請。曰。夫。子。何。不。以。道。相。授。乎。先。杓。曰。方。欲。度。盡。天下。豈。吝。於。子。但。未。謝。師。恩。故。未。敢。也。遂。往。太。翮。山。謁。見。

王真君賜號完璞子。拜謝而去。攜劍游晉陽。轉之荆楚。時有姚廣孝者。出家妙智菴。法名道衍。雖從佛教。却喜談兵。嘗游南陽新野。訪卧龍遺蹟。題詩於廟。津津自喜。忽有一人坐於其側。大喝曰。和尚何人。敢誚武侯耶。衍大驚。見其道裝佩劍。容貌清竒。作禮曰。無心之詠。嘆道長何責之深也。敢請從來道者云。吾號完璞。惟喜遨遊蒼林碧巘。皆吾廬也。仰天大笑而去。衍後為燕王所倚。助惡篡國。故完璞一羞之也。建文初。燕入會葬訖。還至淮陰。次子高煦引兵來接。忽然風霧大作。沙石亂飛。無

路。可出。猛聞喝聲曰。且饒汝。天卽清明。見一道者。按劍而哂。煦欲問詢。風過不見矣。歸令道衍占之。曰。此仙家遊戲耳。蓋完璞自羞道衍後。卽知燕王入朝。故於中途顯遁。甲以警之。夏四月。太祖小祥。燕遣世子煦燧等入臨。魏國公徐輝祖密奏請留之。煦入輝祖廡。盜良馬先逃。時完璞訪余於武當。遙見煦來。因掣劍指之。其馬驚嘶。跑轉控勒不止。欲下不能。直至江口。如從雲霧中墜下。燕後圍濟南。鐵鉉令軍民詐降。遂敗燕於城下。時道衍亦在軍中。出營巡視。一人至前曰。余有破城之訣。以

祕函付之卽去。衍啟視云：贊畫軍機，曾不識詐降之計。師到濟南，多不濟問。何如劉誠意，全未衍覽之，恥懼交集。細憶其人，宛似武侯。廟前所遇者，完璞復去游淮上。值燕師進攻滄州，高煦殿後，俄而冰雹大作，齊奔北軍。煦帶重傷而走，周隱遜真人適來相遇，怪而問之曰：燕王應運之主，何為挫之？完璞曰：先生誤矣。燕王棣今之管蔡也。時無周公，使彼得行其志，而先生以應運歸之。若此，則強藩叛國，皆稱應運，而綱常從此墜地矣。小子念此，殊不敢徇俗情，故常兩羞廣孝三辱高煦，蓋欲振

飭大倫，維持名教。使千秋以後，知燕王之師為山林仙客，所不能容者，定非應運之主也。自古真人崛起，則必除殘去暴。上如湯武，次如高光，乃克稱應運焉。近今如太祖開國，平賊寇，繼大元，亦可稱為應運。然天以天下與明，率當以祖宗傳貽者尊為天命。燕王不據位安知建文之後，遂無世子耶？矧其立位以來，操心仁孝，上天原無改易之心。而燕王以強凌弱，此不過如鄉人之豪奪其宗人之產於天命，何與乎乃高煦暴物，佐父稱兵，道衍奸奴，輔渠肆志，淺識者猶不平，况豪士哉？吾聞先

生為角里公賢孫。抑思商山輔翼。何不重少子而重嫡子。使當日戚后之兒。亦居惠帝之位。先生其許之否。隱廷語塞。遂各分手而去。完璞仍還山居。元姬來拜曰。婚嫁之事。妾已代君完之。盍卽以道相授乎。遂傳以返本。還元之訣。日夜修煉。完璞子亦自溫養胎。嬰九年。胎孫復孕。可以分身應物。神游千里。時元姬容顏日少。悟徹前因。乃與完璞子同登瑤島之上矣。

贊曰。程完璞者。忠義神仙也。然其羞廣孝。挫高煦。說隱。運壯則壯矣。母乃龍性。未馴乎。既聞溫養。添孫入

包山。珙樓與徐君同修仙史。則又儒雅之甚矣。

慧通子列傳

慧通子。姓徐。名瑞。字輯。五瀆池侯徐景夫英之子也。母宏氏。初生一子。名大姑。繼生慧通。時洪武元年四月。初八日也。齟齡時死。而復生。忽開神慧。先是瀆池侯性情豪邁。奮志從軍。轉徙於外。卒不能歸。時慧通尚年稚也。常師韓教授。淹貫經史。里人有神童之目。而慧通天性澹遠。素慕玄修。日自館舍歸。途遇赤鬚道士。招前語曰。穉子有心學道。抑知道不遠人乎。忠孝仁義道之基。

也。遂傳以妙品。逸入深林。不見。慧通歸家。乃存心報本。矢志忠誠。既念老父從征。音書久絕。遂欲遍處尋求。以母孤清。無人奉侍。不敢遽行。適婁江朱雲章。專事游俠。言欲為朝廷出力。圖取功名。慧通聞而嘆曰。朱哥亦作此想。耶心竊憂之。未嘗為母告也。娶陶氏。幼名鍾姑。後改名復。字於根。心靈善悟。能讀古經文。姑少慧通一年。而月日時則皆同也。能事老姑。人稱雙孝。焉慧通以內助賢順。乃聚徒教授。館穀奉親。嗣後生齒漸蕃。謀生轉拙。乃學為岐黃之業。精痘科。無善治疫癘國之人。賴

以活者。蓋不可勝數矣。側聞朱雲章勤王戰死。遂具舟往慰大姑。因思父亦從軍。未卜何如。而尋親之念。於是益切。謂窮天極地。必往求之也。時年已三十五。絡長髯。口河眉劍。目秀鼻隆。喜服天藍袍。淡黃裾。飄飄然有神仙意。攜二童相隨。舟至江西。小兒患病者。咸求醫治。餽遺之物。用度外悉施。負苦飄零。楚蜀至瞿塘三峽。又聞徐侯在滇南。爰往探之。至沐府問詢。始知向鎮大理。已去世二載也。沉痛欲絕。即日泣奔大理。徵尋甫得於北門外之和平里。步入中庭。滿懷愴戚。忽見兩少年趨出。

瞪視彼此驚疑。蓋徐侯當日聞宏氏生子已亡，故更納嚴唐二姬，以繼宗祧而復生此二子也。相視相詰，方知為嫡庶弟昆。遂請兩姨出拜焉。命二弟引往墓所，廬居七日，哀毀如禮。此時歸省念起，欲請兩姨同二弟東歸。以姻親在此，不願重遷，乃拜別就道而還。初抵家宅，即入中堂拜母，猛見喪幃一具，揭視之，靈柩儼然，失聲曰：「此何為也？」家之人咸來泣拜。鍾姑曰：「自君之出矣，老姑積於思慮，卒然而昏。慧通聞言，哀痛無既，迺行祭葬之禮，復深廬墓之情。」一日遇前赤鬚人至，曰：「吾西山隱仙。」

也。聞吾子孝德動天，合當長生度世。即召其夫婦至前，傳以大丹之訣。慧通與鍾姑乃拜隱仙為弟子。仙既去，遂各淨掃丹房，勤心修煉。不一載而金丹已成。他日出游西山，再遇仙師，傳以神丹，乃於林屋洞天起爐，起煉白雪滿空，紅霞偏地，自是而闔宅皆昇矣。方慧通之初入西山也，見危岩深處有石門焉，屈身而入，伏行既久，髣髴若有光，由是瓊鐘一叩，萬象皆明，洞然之中，別有天地。其間林泉曠廓，雲水飛揚，溪山猿鶴相嘯於雲煙之外，而瓦屋樓臺亦與人間無異。遍觀其閑院，堂曰堂。

凡皆是入室
時之景象也

堂亭曰亭。軒曰軒。閣曰閣。慧通至此。幾不知身在何處也。突有二吏來迎。云奉玄聖命。專候仙才。遂引慧通至石樓。額曰珠樓華藏。二吏止之於中。返身扃門而去。慧通靜坐沈思。一使供餐。琴書在几。香篔當前。及觀樓壁。已有太上勅箋。命其細檢琅函。纂修仙史。功成後。許其全家一見於焉。握仙管。拂雲縑。日日勤研功夫。清謹舉。凡古今仙跡。大道流傳。無不編次詳明。炳如星日。如是者。不知幾朝暮矣。始見一丈人。啟鑰開關而進。慧通拜之。丈人曰。吾卽此洞主靈威子也。子成希自之。

嬰兒姹女
兩團圓之
意

聖父靈母
生真仙之
意

之功。仙凡幸甚。慧通謝之。求賜閑游。丈人曰。子今可以出觀。寶眷已移前第矣。請往見慧通。乃下珠樓。青童前導。先從戊巳門轉達東堂。瞥見鍾姑易服宮妝。斂衽曰。君可往見公姑。乃更入內院。見其母同一偉貌鬚叟。並坐逍遙榻上。慧通泣拜母前。叩其來畧。母曰。吾昨逝後。見赤鬚道者。督一金剛神。日夜圍護。言候汝子道成。卽得齊登仙界。其並坐者。卽汝父也。一時父母妻子咸聚首於林屋洞天之中。嗟乎慧通之仙秩。其榮及於全家者。固若斯乎。夫挾濟人之術。以尋萬里之親。可謂仁孝。

此傳妙合
舟經仙筆
也

兼備矣。乃去則父歿而不得見。入則母死而不及送。人子之苦莫甚於斯。及至珠樓編史。闔家度世。然後知天之報施仁孝固不爽矣。後封為徵時太史。兼寰中極濟使。鍾姑為易隱淨貞夫人。

贊曰。徐慧通者。仁孝神仙也。館穀養母。借醫尋父。若博學多能。以成其為人者。然惜其遠尋亡父而不能轉見生母。又何留此缺恨也。人子至此。故惟有出家訪道。冀我族之同昇也。然使無仙才。以成仙史之功。亦幾幾乎其難哉。

沈線陽小傳

沈線陽者。萬山長女也。聲宏體碩。無女子相。生三歲而失去。莫知所之。方萬山之徙雲南也。吾往會於滇上。同煉天元大藥。至期年而始成。曰者。線陽來見。已隔三十餘年。父女相逢。兩不相識。細詢之。始知其為長女也。自小離親。幾成永訣。然在髫稚。亦不自知其別庭闈之際。卽遇薛真陽。古稱中條玄女者是也。名之為玉霞。號之以線陽。命掌神劍。兼守玉匣諸祕法。得授靈通大道。吾與萬山正煉天元。爰此來滇。共服成藥。皆真陽教之也。

萬山大喜。即出成丹與全家服之。皆冲舉焉。線陽願大慈深慨然。有普救生靈之志。嘗言能忍者有裨於道。好殺者必喪其元。遂與父散游四方。隨時化度云。嗚乎。可謂女仙中英雄矣。

余氏父女傳

東南之地多仙才。而可與點化之訣者。惟沈家春屬。余十舍者。萬山之壻也。少好施與。萬山以幼女妻之。並傳以丹砂妙道。豐饒與婦翁相頡頏。萬山徙雲南。故十舍亦受株累。非無因也。至滇上時。西平侯沐春深撫慰也。

側見余氏女。風致端閒。宛然仙格。願請贅於十舍。十舍允焉。及入西平府。薄其嫁貲。不豐。頗不為禮。余女曰。公所利者財耳。措之極易。教備汞鎔之脫。金環投入其內。有聲如蟬鳴。真汞已乾。而環如故。以汞開銅鐵。悉成金寶。無算。侯大悅。西平侯之鎮雲南也。前後七年。大修屯政。其得力於余夫人者多矣。後乞名號於吾。拜為小弟子。因名蕙剛。字健陽。與其父母同服。萬山翁大藥。遂飛昇於昆明池上。

蘆汀夜話

長江月白。霜露滿汀。萬山先生子欲聞予之出處乎。予當生時。一鶴自海天飛來。咸謂令威降世。後知丁公仍在靈墟。予思彼人也。我亦人也。予豈不得似丁公。每嗟光陰之倏忽。存沒富貴如風燈草塵。以是日夕希大道。棄功名。撇勢利。雲游湖海。拜訪名師。所授雖多。皆旁門小法。與真道乖違。徒勞勤苦。延佑初年。已六十七。心命惶惶。幸天憐憫。初入終南。即遇火龍先生。乃圖南老祖高弟。物外風儀。予跪而問道。蒙師鑒我精誠。初指煉已功夫。次言得藥口訣。再示火候。細微溫養。脫胎了當。空

虛之旨。一一備悉。於是知欲進道者。必須法財兩用。予素游訪。兼頗好善。傾囊倒篋。殆盡。安能以償夙願。不覺憂行於色。師怪問之。予揮淚捉膝。以告。重蒙授以丹砂點化之藥。命出山修之。立辭恩師。和光混俗。將覓真鉛。八兩真汞。半觔同入造化爐中。煅煉轉制。分接九還。已周借此貲財。以了大事。由是起葢丹房。一身端坐。虛心養氣。虛氣養神。氣慧神清。廣覓藥材。時飲蟠桃酒。朝餐玉池液。如醉如癡。補氣補血。但得汞有半觔。可待他鉛八兩。月數將圓。金花自現。十手捉虎擒龍。採得先天一

氣徐行。火候抽添。自合周天度數。知復姤進火退符。識卯酉防危慮險。十月功完。聖胎顯象。九年面壁。與道合真。所謂跨鶴青霄。如大路。任教滄海變桑田也。吾之出處。大概如此。請與子鼓枻而歌。以盡今宵之樂。

四皓考

商山四皓。皆避秦亂者。一曰東園公。姓唐名秉。字宣明。襄邑人。高潔自守。遜於邱園。故以為號焉。一曰夏黃公。姓崔名廓。或作廣字少通。僻居夏里。修道。故自號為夏黃公。一曰角里先生。吳人也。秦伯之後。姓周。名術。字元道。

逍遙自適。嘗寓河內。更號灞上先生。此皆陳留志所記者。獨綺里季不傳焉。既閱皇甫謐高士傳。乃知綺里翁者。姓朱。名暉。字文季。種芝養命。泉石棲真。四皓之清風。乃如是哉。

八遜序

三丰先生。因朝庭屢詔。而假遜以深藏。乃浩然曰。遜之為用妙矣哉。天子不得臣。諸侯不得友。不謁君。公不逢權貴。不以長生之術。分人主勵精圖治之心。自求自用。自得自娛。望之若白雲之在天。而舒卷無定也。即之如

明月之印水而動蕩難收也。或隱壘市或居山林或雜
儔伍之中而人不識。大明以來太祖詔之而不得成祖
求之而不能是異人歟。是高人歟。是有得而成飛仙者
歟。生平所師慕者八人嘗寫為軸而拜之。漢則嚴光法
真晉則陶潛戴逵。唐則盧鴻軒轅集。宋則陳希夷林和
靖。遯之上九曰肥遯无不利。其此八公之謂乎。嚴子陵
却光武曰。唐堯著德巢父洗耳。士固有志毋相迫也。順
帝徵法高卿不至。郭正曰。名可得聞身難得見。逃名而
名隨避名而名追。可為百世之師矣。安道辭召辟而逃

身入吳。淵明性恬淡而棄官歸野。元宗聘盧浩然欲靡
以爵不受。終隱嵩山。宣宗迎軒轅集於羅浮而問仙道。
軒轅曰。王者屏慾崇德自然安享遐福。何必更求長生。
宋太宗謂諸臣曰。華山陳搏獨善其身不干勢利。可謂
方外士矣。宋琪等問修真之道。先生曰。山野之人於時
無用。君等協心同德興化致治。勤行修煉。無出於此。林
逋結廬孤山。終身不出。賜號和靖。此八公者。史鑑嘉之。
綱目予之非同捷徑。終南移文山北者得遯之義哉。今
夫能為高隱。卽是高真。方士羽流紛紛躁進。自炫金丹。

謊惑人主。究之暫時之迷。難逃天鑒之速。漢武帝好神仙。而李少君入矣。乃少翁術盡而首梟。樂大方畫而腰斬。唐憲宗好神仙。而皇甫鎛得志矣。乃未幾而宗李皆戮。又未幾而柳泌伏誅。彼林靈素。魏漢津。論黃誇白。出入禁庭。其於宋徽宗時。亦奚有終身哉。甚矣小人好進。而中主多愚矣。善夫李藩之言曰。道盛德充。人安國理。何憂無堯舜之壽耶。善夫張臯謂穆宗曰。神慮淡則血氣和。嗜慾甚則疾疹作。藥以攻疾。無疾不可餌也。善夫王昭素謂宋太祖曰。治世莫若愛民。養心莫若寡慾。善

夫裴麟諫憲宗疏畧曰。方士難信也。世有真仙。彼必深潛崖壑。惟畏人知。凡伺候權門。自炫竒伎者。皆不軌狗利之人也。三丰先生是真隱。亦是真遜。其立身願效嚴法。戴盧陶潛林逋。其規箴願師軒轅希夷。而兼師其高尚。但願求我者轉而忘我。詔我者轉而遺我。則我與八遜後先爭高。而為聖朝之大遜也。

自題勅封通微顯化真人誥命後跋

從古稱真人者。必須外達真氣。內涵真心。入有真操。出有真守。實之而得。夫真道棄世而不戀。世避人而不見。

人不為勢利所羈勒。不以黃白欺世。主豈若方術之士。謬邀錫命而不自忤乎。由漢迄宋。其間明元機者如吾。尊崇之。入遯。清風峻節。或逃名。或却聘。或功成勇退。或世衰遯藏。其懷真不露。奚常以長生藥銜朝廷哉。余幼耽元理。晚得真詮。狂放自如。實厭流俗。竊以真人真君。錫自上帝者為寶。人間勅封。何足貴哉。夫惟天順皇帝。亦明亦決。廟諱英宗。賜我誥命。乃受承之。至若成化嘉靖之間。番僧劉巴。妖僧繼曉。封國師。禪師。方士。則鄧常恩。李致首。邵元節。陶仲文。唐秩。劉文彬。以及羽流數百。

均係阿比宵小。設詭貪奸。妄稱法師。普號真人。汜濫無涯。笑罵史冊。當是時。砒砒亂王魚目混珠。決不受此誥也。厥後或誅或罷。追奪前封。殆無遺匿。快哉樂哉。豈非上帝鄭重勅典。不肯與人間濫予匪徒。而默削其浮名也哉。大元遺老三丰道人書。

與明冰壺道法會同疏

伏以大道至大。賴大上以傳機。精微至精。冀全真之演教。法非道無以資其本原。道非法無以顯其妙用。道法兼備。體用圓融。切念洞春。寓明玉家時說。云姓龐名洞春。天水雲游。江

湖懶散。悼彼日月。已與大耋之嗟。顧我行藏。幸藹桑榆之景。或棲遲於林壑。或窈窕於崖溪。周孔諸書。聊發端於幼稚。老明道德。畧適意於龐眉。霞友雲朋。動念漫遊方外。至人異士。垂憐跼踏。世間指以元微。得朽腐再生之橐籥。蹈斯蹊徑。見却刃不墮之卷阿。紅鉛黑鉛。煅煉方成。影響公液。玉液坐卧畧致。疏通雖未。臻了道之涯。固已騁造元之轍。倒拖藜杖。入中陽之洞天。詢此華封。是內江之勝治。昨蒙冰壺先生。屈身問道。投以琅函。專志輸忱。敷陳楮幣。雖初覲高明之面。已稔聞清雅之音。

六甲風雷。頓能藏於符篆。三天將吏。率已屬於指揮。拯難扶危。濟人利物。公欲將此妙法。貽我。我能不以元機

奉公。

一本有我幸遇鷓鴣頭魚腮公亦逢擯鼻鼠耳

膠漆相投當無離別

之理。道法同會。總結非常之緣。翻身機透。玉葫蘆選甚

東西南北。信手拈來。金菡萏常存。春夏秋冬。仙諾既容。

光鑑是荷。

跋道法會同疏後

吾游內江諸山。聞有天關地軸者。意其中必有祕典靈文。為養性立命之圭旨。及登其天關。則三堆山耳。又尋

其地軸則石笋山耳。因慨然曰：世之有名無實者固如是乎？既聞明先生頗稱好道，逮與先生俱別，又落落無奇。反欲以符咒相授，而不知有金丹，豈知道也者？自人身而有之，非旁門之左道也。先學靜次學悟，次學煉，次學養，其終乃出入乾坤，往來拯救，勤立功行，以待天符。故道可以無法而法，不可以無道。即或用妙術濟人，亦惟以心為法，以神為符，以氣為水，斯無投之不靈。若徒驅符遣咒，擾擾不休，若驗若否，幻惑人心，有識者必將以方士目之。他日夜又來，逼命繫無常，此時用符不效。

用咒不靈。雖素稱為道士，道果安在哉？故欲學道者，只須就道尋道，毋以法為道也。存神過化，斯無道之非法耳。

跋蓬萊仙奕圖

蓬萊仙奕圖者，龍陽子湖湘冷謙所作。謙，武陵人，字啟敬，龍陽其號也。中統初，與刑臺劉秉忠、仲晦、沙門海雲游，無書不讀，尤邃於易及邵氏經世書。天文地理律曆，以至衆伎，皆通之。至元中，秉忠入拜太保，參預中書省事，乃釋業儒，從游雲川，與故宋司戶參軍趙孟頫子昂

千四明史衛王彌遠府觀唐李思訓將軍畫頃然發之
胸臆遂效之不月餘其山水人物窠石等無異將軍其
筆法傳彩比將軍尤加纖細神品幻出由是以丹青鳴
當時隸淮陽遇異人授中黃大丹出示平叔悟真之旨
穎然而悟如已作之至正間冷君已百數歲矣其綠髮
童顏如方壯不惑之年時值紅巾作亂君避地金陵日
以濟人利物為念方藥妙用如神天朝維新君有畫鶴
之誣隱壁仙逝則君之墨本絕蹟矣此卷乃至元六年
五月五日為余作也吾珍藏若連城之壁而未嘗輕以

示人今將訪冷君於十洲三島恐後人不知冷君胸中
邱壑三昧之妙不識為真仙異筆混之凡流故識此特
奉遺元老大師淇國邱公覽此卷則神清氣爽飄然意
在蓬萊之地幸珍襲之且以為後會云時永樂壬辰孟
春三日三丰遊老書

下有三丰印章
見皇明異人錄

按仙奕圖跋即草橋七修類稿強辨為偽其辨云永
樂二年轉送淇國淇國乃成祖心腹功臣三丰至而
敢匿不言耶又云跋謂冷武陵人而不知本錢塘劉
伯溫曾在杭遇啟敬并志亦云錢塘人又云跋謂觀

李思訓畫。遂得其法。幻出神品。以丹青鳴於時。何伯
溫之詩。皆不言之。而止言善音律術數耶。又云三丰
既子身遠游。豈復帶畫永樂時送人耶。又云踞曰冷
在至正間。已數百歲。若在洪武。必百數十歲矣。如此
老尚爲人臣耶。就使爲之。如太公伏生人。必言之。何
不見於書耶。長乙曰。卽瑛之五辨皆非也。觀此圖。跋
語清矯不羣。絕似丰仙手筆。其送淇國也。爲留冷之
畫本耳。當其時。必一見而卽去。難留雲鶴之蹤。淇國
卽不必匿其來。成祖亦必知其不可追也。一神仙游

處無常。在錢塘則錢塘人。在武陵則武陵人。何定之
有。二劉伯溫雖遇冷仙。並非晨夕過從。久而不去者。
卽有詩篇。安能事事題贈。况丹青薄技。當不必一見
卽誇也。三畫非難攜之物。送人乃鄭重之思。淇國門
高。或可寶此不失也。四仙家百餘歲。乃尋常事耳。老
爲人臣。猶之老官柱史。復何疑哉。

與完璞書

向蒙鶴駕見訪。武當坐榻談心。真不知門外有塵寰矣。
特以愚情無定。救世爲心。雲水茫然如舟。不繫足下。亦

以白嶽久離。佩劍歸去。昨遇尊師王仲都先生。極獎足下才高悟敏。爲及門之冠。並囑愚。遇足下。須以真詮贈君。噫。愚何敢爲足下師哉。但以大器挺生。必有羣仙爲之輔導。以成蓬山第一流也。足下英氣絕俗。壯志辟人。青蛇在手。九州往來。特恐有損靜功耳。白嶽崇深。正好胎養。倘能子生胎孫。孫復生子。則今身應用而立功於人間。更不少矣。尊聰廣大。諒不嫌瀆。此意區區。難忘規諫。足下以愚爲老友焉。足矣。雲水道人張三牛稽首。

永樂大典記

先儒有言。讀書者多取不如精。取自天子以至士庶。其學問同也。永樂初。朝廷命尚書胡廣侍講王洪等編成一書。名曰大典。計二萬二千八百七十七卷。一萬一千九十五本。目錄六十卷。其表文嘗見於蟬精雋中。夫御覽元龜。不過千卷。求多者徒具望洋之嘆而已。大典以萬計。安能推布夫海內也哉。

悟真字解

噫。真何由悟哉。世人皆欲悟真。而悟之不真。非悟也。真之不悟。非真也。今師字義。解明之。悟者覺也。求也。真者

實也。正也。夫人知之也。豈知悟真二字。書義亦深乎。悟
从吾心。先當以修心爲本。太上云。吾從無量劫來。觀心
得道是也。真者何也。六書云。人受氣以生。目最先。神之
所聚。無非實也。故从目。从匕。匕者化也。又从斤。浩音斤者
氣之形也。可知欲煉道者。須先煉目。煉目乃能聚氣。煉
目並可收心。所謂機在目者是也。識得此機。便見真機。
識得此機。便知息機。識得此機。便入妙機。悟如是。真如
是也。請以告天下之悟真者。

刀尺賦

三羊先生常攜刀尺以遨遊空乎。兩大浩乎。十州客有
怪者。不知其由。先生乃爲之賦曰。是刀也能開混沌。斯
尺也用絜蓬萊。故相隨而不失。知造化之剪裁。爾其百
點明星。雙又皎雪。繩墨從之。鋒芒割若。分修短兮合宜。
剪水雲兮快絕。期妙用之無方。豈微能之足述。至如裁
妙理。削塵囂。量度數。別昏朝。火功寸寸。風信刁刁。胎養
刻刻。羽衣飄飄。度龍門之萬仞。如虎劍之兩條。夢益州
而不願。與方丈而同超。刀兮刀兮。妙之又妙。尺兮尺兮。
要所必要。匪歐治之能鎔。匪公輸之能造。與我偕行。任

他嘲笑。將求織女之雲綃。縫出仙翁之衣帽。歌曰。一刀一尺。遍天涯。四海無家。却有。家破衲。補成雲片片。袖中籠住大丹砂。

玄素篇自序

玄素歎人生光陰有限。富貴無常。若風燈草露。存沒倏忽。自古及今。比比皆然。深可驚省。以是日夕希慕大道。棄功名。撇勢利。雲游湖海。遍訪名師。所授雖多。總皆旁門小法。行於身心。無所益也。考諸丹經。而又不合。與道乖違。徒勞勤苦。性命惶惶。不得一遇。至人以了生平之

願。延佑間。幸天憐我。初入終南。得遇火龍先生。詢是數南高弟。綠鬢朱顏。儼乎物外神仙。春秋不知其幾許矣。玄素異之。禮拜師事。跪問大道。蒙師慈悲。鑑我精誠。初指煉已功夫。次傳得藥口訣。再示火候細微。與夫溫養節度。脫胎神化。了當虛空之旨。無不一一備悉。真所謂口口相傳。心心相授。得聞斯道。何幸如之。又云。造斯道者。必須法財兩用。而後可以有爲。乃玄素以勤於遊訪。無頗好善。傾囊倒篋。殆盡。安能造斯道哉。不覺每日憂形於色。師遂怪而問之。玄素又揮淚跪告。重蒙憐憫。授

以丹砂點化之術。及賜汞見立乾之藥。玄素遂出山。雙
修性命。乃拜辭恩師。於是和光混俗。覓真鉛八兩。真汞
半斤。同入造化爐中。煅煉日魂。月魄。攢簇五行。和合四
象。水火配對。金木調停。真土凝結。交姤溫養。轉制分胎。
三次超脫。九轉以周。自見黃芽白雪。明乾點化。妙不可
言。到此何患無財。以了大事。特擇善地。起蓋茅庵。端坐
靜室。虛心養神。安神養氣。慧神清方。求鼎器。暮飲蟠
桃酒。朝餐玉液波。如醉如癡。若嬰兒赤子。補氣補血。丹
田溫煖。返老還童。自覺汞有半斤。可待他鉛八兩。是數

者。須候月之明圓。其鉛花自然露見。下手擒龍捉虎。採
彼先天一點真鉛。吞入腹中。能乾我汞。徐徐火候烹煎。
自有斤兩法度。既合周天之數。又必交策無差。進火退
符。知復姤。慮險防危。識卯酉。十月功完。聖胎顯象。九年
面壁。與道合真。跨鶴青天。如大路。任他滄海變桑田。此
大丈夫功成名遂之時也。始信有此出世之法。雖有拱
璧以先。駟馬爭如坐進。此道皆因廣積陰功。累行方便。
得遇至人而成也。玄素華荷天庇。得以有成。雖不敢妄
洩真傳。亦不敢緘默。閉道。因是作爲修煉內外金丹歌。

論詩詞編次成錄以覺後學名曰玄要篇一日節要篇其行道之工夫與得道之口訣及成道之旨趣誠無有切於此者矣倘有志之士得遇是書雖不得玄素之親傳又奚異玄素之面授也哉昔永樂十一年癸巳歲孟秋月既望日元邁過道人張玄素三丰自序

湖南山中與胡給事夜話

汪圓通云胡澂巡訪之九年行次湖南憇騶山中一夕三更人靜茶冷燈清忽聽有叩門聲俄然扉影自啟見一道者貌似丰翁胡欲狂叫生

生急掩其口拂几細說而去此事明一代無有知者昨先生降吾署中言及此事齡乃濡毫記之其言曰

老先生巡行天下久矣鼎湖龍既不可見空谷駒又不可得能不虛此遨遊乎今感故人之誼權爲雪夜之尋突如其來幸勿驚也夫月滿湖山風清舍館南寺鐘殘西窗煙冷先生此時亦曾憶天池老衲是閣下前身否子休矣歸去朝端善爲我隱見你不見知作不知庶不至車殆馬煩之後重爲萬里勞人也北還復命計以明



年一路民情。敷陳聖聽。其亦先生之功德也哉。

張三丰先生隱鑑書法四條

- 一 隱於文章道學。嘉趣不出者。書曰處士。重純儒也。
 - 一 隱於泉石風流。樂志不移者。書曰逸士。重幽貞也。
 - 一 隱於世治時變。解官不仕者。書曰達士。重明哲也。
 - 一 隱於玄門淨土。名利不貪者。書曰居士。重清修也。
- 右隱鑑書法四條。實得品題微妙。此卽一字褒也。或謂此四者皆隱士也。何必分。曰。其氣象之道學。風流。退藏之早。遲常變。自不同耳。非如此分疏。不能傳其神致。外如高士。徵士。節士。義士。皆可於四。

者統之

總評

隱鑑筆法篇篇清古言言簡淡可作隱士小傳讀
正不必一一評論也

張三丰先全集

漢嘉長乙山人李西月重編 張道淵子深氏書

閩中朱道生晚成子敬刊

姪 瑛春城

朱 瓚素園全校字

男 璜璠溪

隱鑑

元

無有先生

先生大元逸民也。行藏莫測。或無或有。故以為號焉。生

於元游於明神行於清六百年來不隨物化歷世
既久閱人且多見高尚其志者每樂舉以告人非作隱
士傳也蓋與逍遙泉石之士斟酌夫進退幾宜而已先
生有言隱之爲道也有二隱於衰世者不可更仕與朝
隱於興朝者不可藉隱弋名以爲仕宦之捷徑夫如是
則出處合宜清高足錄也山人野客卽所言編輯成卷
以是爲隱鑑一書

劉夢吉

處士劉夢吉先生因保定容城人也天資穎悟書過目

不遺初爲經學每閱註疏嘆曰聖人精微當不止此及
得周邵程朱之傳乃欣然曰我固謂必有是也平時愛
諸葛孔明靜以修身之語表所居曰靜修至元十九年
詔徵入朝擢左贊善大夫以母老固辭俸給一無所受
他日復詔之終隱不出

蕭彝尊

處士蕭彝尊先生剡奉元人也初出爲府史語當道不
合卽引退力學三十年不干仕進鄉人有暮行遇盜者
詭曰我蕭先生也盜驚愕釋去世祖時辟爲陝西儒學

三才全書
十一
提舉不赴。後累授集賢直學士。改集賢侍讀學士。皆不赴。無何復拜太子右諭德。扶病至京師。入覲東宮。書酒誥為獻。以朝廷時尚酒也。尋又稱病請解職。不許。俄擢集賢學士。國子祭酒。依前太子右諭德。俱引病力辭而歸。其友張思廉聞而嘆曰：清高自守，功名不足以動其心。蕭子可謂尚志之士矣。

仇山村

逸士仇山村先生遠錢塘人也。遯跡江湖。博通經史。至元中薦為溧陽教諭。轉寶慶路教授。不赴。又改將仕郎。

杭州路總管府知事。皆辭。家錢塘西城。下仰屋著書。閉門索句。或坐花間。獨言獨飲。嘗聞其閒居十詠。真風流自賞之才也。今錄二首。以見先生隱趣。詩曰：仰屋著書無筆力。閉門索句費心機。不如花下冥冥坐。靜看蜻蜓蛺蝶飛。又曰：茶甌紗帽慣迎賓。不是詩人即道人。細雨斜風君莫出。綠陰門外有紅塵。

表元量

達士表元量先生萬頃淮海人也。少存達道志。意欲功成名遂。然後退藏其身。元貞初。公卿薦為司直。久之有

厄閨之嘆。遂絕意仕進。歸維揚。茅屋數椽。栽松種竹。陶然得幽人趣。一日入深崖採藥。得千歲黃精。蒸而食之。遂覺精神强健。登高山如履平地云。

吳伯清

達士吳伯清先生澄。崇仁人也。自幼潛心好學。著書立言。以宏吾道。誠當代之大儒。仕元為翰林學士。泰定初。引疾歸家。杜門講道。屢徵不起。其恬退可嘉焉。惜其為宋朝鄉貢。頗不滿於人口也。號草廬先生。

陳茂叔

達士陳茂叔先生禔。休寧人也。性剛正。孝友。致力聖賢之學。延祐初中。鄉式。即不赴禮部。教授於家。不出戶庭數十年。其斯為重道德而輕功名者歟。

杜伯原

處士杜伯原先生本。清江人也。博學善文。武宗朝嘗被召至京師。即求歸隱。建寧武夷山中。文宗聞其名。徵之不起。至正間。丞相脫脫薦之。召為翰林編修。使者趣至杭州。又稱疾固辭。平居沉靜寡欲。無疾言遽色。與人交篤於道義。學者稱清碧先生。

戴汝翼

處士戴汝翼先生羽。九江德安人也。隱居積學。徵辟皆不就。嘗云澹泊明志。恬靜致遠。此孔明一生學問也。因作武侯通傳三卷。

武伯威

處士武伯威先生恪。宣德人也。好讀周易。每日危坐。或問先生學以何為本。曰以靜為本。著水雲集行世。

張光弼

達士張光弼先生昱。廬陵人也。元末行樞密院判官。浙

所由分也。

王原吉

達士王原吉先生逢。江陰人也。至正間。屢徵不赴。避亂於上海之烏涇。築草堂以居。自號最閑園。丁世所謂席帽山人者也。

陶宗儀

逸士陶宗儀先生宗。天台人也。元統間。避難於松江城南之吉林里。雅好著述。雖力耕畝。恒以筆硯自隨。置一甕樹下。遇有所得。即書以投其中。久之成帙。曰南村

輯耕錄。至正間。屢辭辟舉。洪武六年。舉人才。至京。力辭。放歸。

蔡清真

逸士蔡清真先生。微瓊山人也。通經史。好泉石。元末。隱居不仕。築室深山。問學者。咸斗酒豚肩以就之。先生無不解說。人謂海南儒者。未能或之先也。

顧仲瑛

逸士顧仲瑛名德輝。崑山人也。才情妙麗。輕財結客。築別業於菑涇之西。造三十六亭館。曰玉山佳處。招致四

江員外郎竊據者。辟之不赴。日以詩酒自娛。號一笑居士。有春日句云。一陣東風一陣寒。芭蕉長過石欄杆。只消幾度鶯騰醉。看得春光到牡丹。蓋料士誠之必敗也。嘗云。吾死後埋骨西湖。題曰詩人張光弼墓足矣。後竟如其言。

吳淵穎

處士吳淵穎先生。萊金華人也。隱居不仕。築室於深裏。嶺山中。妍窮經史。悠然自得。善論文。嘗云。作文如用兵。有正有奇。正者法度如步武。分胡奇者不為法度所縛。

千變萬化。坐作擊刺。一時俱起。及其欲止。部武各還。其
遂旨。不曾亂聞者。服之。其同鄉黃縉。柳道傳輩。亦以
文章鳴世。咸深重焉。

許白雲

處士許白雲先生謙。金華人也。自少力學。受業於宋末
金仁山之門。居數年。而盡得其奧。屏跡入華山中。潛心
養志。不求聞達。朝野交薦。力辭不起。是誠安於義命。而
非偽隱沽名。以爲仕宦之捷徑者也。其教人以開明心
術。變化氣質爲先。而獨不教人以科舉之文。曰。此義利

方文學之士。置酒賦詩。其中。以母喪歸。綽溪張士誠。辟
之。遂削髮廬墓。自號金粟道人。明初。聞太祖嚴苛。欲按
江南富族。乃托僧伽而遁。所著有玉山璞稿。並刻交游
詩四十餘家。曰草堂雅集。俱傳於世。

李高岡

逸士李高岡。名鳴鳳。吳人也。輕財好客。與顧仲瑛相等。
東南士大夫咸欽重之。嘗助朱太祖軍糧二萬斛。淡然
無邀寵意。入明初。以國法嚴刻。遂約嘉定富民方二郎。
同挈妻子家貲。泛舟江海而去。

楊廉夫

達士楊廉夫先生維禎。山陰人也。前泰定進士。署天台尹。後徙居於松。築元圃蓬臺於松江之上海內。薦紳大夫與東南才俊之士。無不承蓋扶輪。造門納屨。嘗吹鐵笛作梅花弄。見者以爲神仙中人。世稱鐵崖先生。著正統辨讀者。皆以爲公論云。

王山農

逸士王山農先生冕。元末會此人也。身長多髯。少明經。不偶。卽焚書讀古兵法。戴高帽披綠蓑。着長齒屐。擊水

劍。行歌於市。人以爲狂。七之負材氣者。爭與之游。平生嗜畫梅。畫成必自賞也。明太祖聞而訪之。旣至。與糲飯蔬羹。山農且談且食。帝喜曰。可與共大事。授諮議參軍。不受。一夕夢羅浮仙人招之。醒卽捉筆狂叫。寫大梅一株。題以詩曰。我家洗硯池頭樹。箇箇花開淡墨痕。不要人誇好顏色。只留清氣滿乾坤。明日遂卒。同時蒲菴和尚復見心見而稱之曰。會稽王冕梅花仙也。

明天淵

達士明天淵先生濬。北人也。世祖朝明安之後。髯長過

腹高雅不羣。仕元爲學士。國亡削髮爲僧。而髯如故。洪武初。太祖聞其名。召而問之。曰。汝不仕吾。吾亦任汝。但削髮留鬚。亦有說乎。對曰。削髮除煩惱。留鬚表丈夫。帝笑而遣之。所著有蒲菴集。行世。蓋忠於元而得道者也。

張伯雨

逸士張伯雨先生。天雨。杭人也。宋文忠公九成之裔。風神凝峻。詞翰兼長。與楊載。虞集。爲文字交。後入茅山學道。遇陳上陽。傳以清修。冲然有得。自號句曲外史。

虞伯生

達士虞伯生先生。集臨川人也。生有神慧。三歲卽知讀書。長負才名。官奎章閣學士。卽引疾歸。平時慕陶淵明。邵堯夫。因構書室二間。左室書陶詩於壁。曰陶菴。右室書邵詩於壁。曰邵菴。恬然淡然。謳吟自適。時人稱二菴先生。一曰邵菴。

趙子常

達士趙子常先生。汾休寧人也。元末輔元帥汪同。起兵保鄉井。授江南行樞密院都事。洪武二年。詔修元史。史成。木顯仕。隱居東山。與一二幽人。卜築清溪。繫舟沙嶼。

蕭然無塵俗氣。其經學甚傳於世。號東山隱者。

汪德輔

達士汪德輔先生克寬祁門人也。元季隱居環谷。洪武初召修元史。書成固辭不仕。隱居道人。巖研窮經學。其教授弟子。一以靜心爲本。

謝子蘭

逸士謝子蘭先生應芳。元末武進人也。自號龜巢老人。龜巢有二。一在湖上一在橫山。先後皆有記。其畧云。千歲之龜。巢於蓮葉。以葉爲巢。初不費經營之力也。暇與

田夫野老。涉桑苧之園。過桃李之蹊。瓦盆濁酒。歌舞酬酢。若曳尾泥塗者。又云。平生所至。以龜巢名室。蓋不以棟宇爲巢。而以天地爲巢也。峻宇雕牆。莫知其光華。門圭竇。莫知其陋。誦其文。可以知其達也。老人嘗仕元。元亡不仕。其啟張雲門。啟云。鮎上竹竿。往歲之功。名可笑。龜巢蓮葉。近年之身世。如浮以視子山小園。超然遠矣。

沈元吉

逸士沈元吉先生貞。長興人也。元末隱居橫玉山。自號茶山老人。明初不仕。與黃石爲徒。白雲爲侶。始終不出。

以比招之即來。麾之即去者。其人品相越何如矣。

徐仲由

進士徐仲由先生。暉淳安人也。元末舉秀才。明初不仕。自號松巢居士。倚聲度曲。不讓古人。嘗見其滿庭芳句。云清霜籬落。紅葉林邱。淵明彭澤辭官後。不事王侯。其高蹈之節。直從箇孔中。度出。

黃子運

處士黃子運先生。樞元末休寧人也。洪武初被徵。以躄足免鄉人呼妙拐先生。同時有呂不用。字則耕者。新昌

人也。洪武二年。舉本學教諭。以聾病辭。自號石鼓山聾。二公皆傲世不羈。得山林秀傑氣者。

張惟中

處士張惟中先生。庸慈溪人也。二李兵亂。竊據者。畧爲上虞山長。不就。明初屢聘不出。迹溪山。浩歌白石。閒與當代士大夫。詩酒往還。及勸以入官。則婉辭謝之。人謂其貞不絕俗。隱不違親。郭林宗一流人也。

王仲光

逸士王仲光先生。賓長洲人也。與吳縣韓奕崑山王履

稱吳中三高。幽懷蕭散。放櫂煙江。嘗與公望聯吟。有也
知性僻難趨俗。却喜身閑不屬人之句。觀此可以想見
其異苔同岑。

陳克昌

逸士陳克昌先生。閩縣人也。元末布衣。隱居石潭。嘗
倚竹作歌。以寫其志。歌曰。修竹兮青青。內虛兮外直。素
節兮貞姿。寒暑兮一色。泠泠兮朝夕。予舍之兮焉適。一
梁不移。

逸士梁不移先生。蘭泰和人也。自號畦樂先生。鄒仲熙

謂其隱居樂道。王希範稱其素志。邱園。吾見其西畦。自
適悠然。有陶潛之趣。曠然有魏野之思。

程搏霄

處士程搏霄先生。翔元末新安人也。明道之後。世傳理
學。洪武初。命旁求隱士。或薦先生不起。二年春。又訪山
林遺老。共修元史。或再以先生舉。終不赴。後詔儒臣修
禮書。宋濂曰。非搏霄不能也。奏之。帝不欲強致。命就其
家。諮訪有勸之仕者。笑而不答。但曰。人爵不如天爵。貴
功名何似道名高。自此深藏不出。朝廷比之商山。

徐方舟

逸士徐方舟先生舫。元末桐廬人也。性好詩詞。築室於江臯之上。水竹雲煙。助其吟嘯。時劉伯溫被徵。邊之同行舫。荷蓑笠相見。酌酒賦詩而別。

韓公望

處士韓公望先生奕。吳人也。生於元至順時。及長嗜讀書。無所不覽。少有目眚。筮卦得蒙。知疾不可療。遂扁其室曰蒙齋。洪武間絕意仕進。郡守姚善迫欲見之。奕乃泛舟入太湖。往來煙波自適。姚嘆曰。韓先生所謂名可

聞身不可見者也。

明

焦始謨

達士焦始謨。江陰人也。與明太祖爲舊交。及帝都南京。日思其人。屢詔不赴。將命使臣索之。謀忽荷雞豚村酒。由御道入。帝喜其來。以物付光祿治具。共飲甚歡。席前出金銀角三帶。命其自取。以官之謀取其角者。因授以千戶。無何逕出高橋門。挂冠帶於樹間而去。

孫太初

逸士孫太初先生一元明初人也。風神秀朗。踪跡竒幻。元巾白裕。以鐵笛鶴瓢自隨。高風所至。士大夫皆爲之傾動。嘗棲太白之巔。稱太白山人。又嘗西入華南。入衡。東登泰北。登醫吾南。尋吳會。恒棲遲不去。與劉麟龍寬陸崑吳琬號茗溪五隱。

王廷珪

逸士王廷珪先生珙。明初常熟人也。卜宅於虞山之北。蕭溪之上。植竹萬竿。容與其中。其逸興清涼。詩懷縹緲。人謂如秋月春雲。令人景仰。

王先生

達士王先生者。以忠節隱其名。永樂初。寓居金華府東陽縣之東山。自號大呆子。儀容俊偉。趣識超羣。惟披麻戴笠。不服常服。日盤桓於山南村落之間。狂歌自適。其與宴游者。皆不識其姓氏。惟與王姓俱。則以宗兄稱之。遂以王先生呼焉。嘗與村中人曰。他日吾逝。只祈斂吾尸。懸於林杪。足矣。時又號玉華山樵。張三丰聞而嘆曰。此建文遺臣也。

徐延之

逸士徐延之先生伯齡。自號籜冠子。錢塘人也。天資敏妙。書過目不忘。恃性情踈蕩。不拘小節。對客每赤足。科頭。內衣無繫帶。行輒委墮。人多笑之。士大夫慕名而來者。一見後。卽倦與往還。然其鴻才高致。終不可沒也。性甘肥。邀尤善鼓琴。所著有六音正譜。醉桃佳趣。香臺集。蟬精雋。舊雨堂稿。非外野而內文者歟。

王原夫。自號大果。平澗人。處士王原夫先生逢。饒州樂平人也。淹貫經史。研精理學。朝廷屢召不赴。深居崖谷。冲和淡然。宣德初。復以明

經石見。力辭歸家。著言行志諸書。學者稱松塢先生。

俞古章

逸上俞古章先生。杭之富陽人。也。肥遯邱園。名聞湖海。宦游於浙者。皆欲得睹其眉宇。爲快。正統間。藩臬諸公。先後封章薦舉。不起。親友間有勸之者。則爲聾病。謝之。閒游山澤。或對木石而談。如瘋顛狀。人卒莫之信也。一日。吳和州又欲薦之。先生乃以詩力辭焉。詩云。青雲有路念緜袍。迢遞和州薦剡勞。下乘難隨千里馬。虛名恐誤九方臯。稽康自信隨時懶。少室誰云索價高。縱使陽

和動鄒律。秋風雙鬢已蕭騷。

徐勉仁

處士徐勉仁先生。寧波人也。正統間以古文鳴世。甬東好文者皆就其門而學焉。先生居山澤間。凡求名之士。雖是舊友。皆弗與流連。少年中有慕隱者。則獎許之。曰。綠鬢青山。正堪掩映。顏閔伊周。各行其是。而已。後屢有國召。皆不應。移家於杭。竟著書以終其身。

許澹初

居士許澹初先生。魏谿叟也。正統間。叟年九十。忽然棄

家學道不知所之。其同庚有石內舍者。桐城人居郭北石塘。享年一百有三。子衆孫繁。百歲之日。賦詩憶淡初云。庚申共守人何處。甲午同生獨詠詩。蓋亦明之錢鏗也。

沈啟南

逸士沈啟南先生。周長洲人也。景泰中以賢良應詔。力辭不赴。號石田翁。詩文之外。兼工畫石。高古清竒。筆墨與人品相肖。

方元素

逸士方元素先生太古蘭谿人也。自號寒谿子。清曠夷
猶超然出類。或問先生何事。答曰。萬卷圖書銷日月。二
灣鷗鷺共朝昏。

程叔朋

逸士程叔朋先生玄輔歙縣人也。歌嘯林泉。不求聞達。
同邑知李獻吉而不知有叔朋。欣如也。自號龍谷道人。

秦仲孚

逸士秦仲孚先生奭無錫人也。性至孝。其父修敬公。偶
中心痛。仲孚刺胸前血和酒飲之。母氏殷偶有膝傷。吮

之卽愈。郡縣上其事。詔旌其門。曰孝子。秦陵卽疇賜以
冠帶。嘗作溪山清興堂。清遠閣。結亭於後。曰滌煩。溪橋
散步詩。可爲仲孚行照。其詩云。掃閣觀書興未闌。綠陰
清晝更多閑。杖藜扶我溪橋步。看盡湖南十里山。

董蘿石

蘿石董先生灑。海寧人也。以能詩聞江湖。年六十遊會
稽。見陽明與之語。連日夜。乃請爲弟子。陽明不許。灑歸
織一縑。爲贄。曰灑之誠積。若此縑矣。因納拜。從遊。其子
弟招之。曰何老而自苦若此。曰吾從吾之所好耳。因號

從吾道人。

吳康齋

處士吳康齋先生與弼。崇仁人也。游京師。從楊溥學。見伊洛淵源。輒有尚友之志。以聖賢為必可師。收斂身心。倡明理學。天順二年。詔徵至文華殿。授左春坊左諭德。不拜。帝欲強職之。凡三辭焉。遂稱疾歸。閉門講學。從者千數百人。號康齋居士。

婁克貞

處士婁克貞先生諒。上饒人也。少與吳康齋游。其學以

收放心為居敬之門。以何慮何思。勿忘勿助為居敬要旨。王陽明嘗受業焉。號一齋先生。

陳白沙

達士陳白沙先生獻章。廣東新會人也。中鄉舉。即屏居不出。聞江西吳康齋講學臨川。遂棄其學而學焉。教人不立語言文字。以主靜為先。隨處體認天理。緊要在勿忘勿助。又曰。學者以自然為宗。以忘己為大。以無欲為至。布政使彭韶總督朱英聞其名。文章薦剡。乞以禮徵聘。吏部尚書某謂獻章例應聽選。非隱士比。安用聘召。

至京令就試吏部獻章稱疾不赴乞歸奉母乃授檢討
自後屢召不起

薛敬軒

達士薛敬軒先生瑄字德溫山西河津人也登進士第
官禮部侍郎天順間在閣數月見石亨等用事嘆曰君
子見幾而作不俟終日遂致仕歸隱居龍門山中其學
以復性爲主充養邃密言動皆可法著讀書錄二十卷
學者宗之

張海觀

逸士張海觀先生錫錢塘人也天順壬午領鄉薦春闈
不偶授山陰教諭旋即引退林泉家有竹數竿作亭其
內名曰醫俗並自爲記以贊之其略云余退閑之志既
不可醫乃挂冠神武門幾二十禩既而作老圃於家種
篔簹數百箇皆着鞭持節因作小亭於其間爲柱六覆
以茅取窮樸之意坐於是亭則清聲戛玉醫耳之繁聒
幽香細細醫鼻之銅臭桐葉如翠醫自之塵氛筍供茶
饌醫曰之貪饕虛心勁節又可以醫夫自滿而失守者
因取坡老詩名之曰醫俗亭噫世有高粱畫棟而主人

則俗者何不一過此亭哉。

金元王

逸士金元王先生琮上元人也嘗游浙之赤城山徘徊不忍去因自號赤城山農居嘗遐嘯清視人莫能窺處已接物高簡粹曰與史癡翁同稱金陵二隱癡翁名忠性豪爽不事權貴自號癡翁署所居樓曰卧癡

唐伯虎

達士唐伯虎先生寅吳人也舉南畿解元以冤錮遂放浪形跡然其出入天人間宸濠慕而聘之寅度濠有反

志佯狂自免竒趣溢發或寄於詩或托於畫文采風流照耀江左圖其石曰江南第一風流才子晚皈依佛乘自號六如居士

羅達夫

達士羅達夫先生洪先吉水人也。以進士第一官贊善。疏請預定東宮廟儀。忤旨落職歸。屏居不出。闢石洞隱居其中。製半榻。默坐三年。事能前知。嘗曰。不可以虛見為得手。須日日收歛。不使後天習氣乘機潛發。始不負一生耳。

趙淮獻

逸士趙淮獻先生金烏程布衣也。正德時徵詔不起。造其門者如入深崖邃壑。恒坐小艇出入江湖。陶然自樂。南垣箬溪二尚書結峴山會。造廬請入社。不許。平生頤養清靜安恬。年九十自爲祭輓。無疾而逝。

沈子登

逸士沈子登先生仕杭州人。明刑部侍郎銳之子也。身居貴介。志慕清真。野服山中。劃然長嘯。自號青門山人。舉此以勵世族之戀浮華者。

陳寄委

逸士陳寄委先生體文江陰人也。築耕舍於郊西。有田數十畝。力耕而食。賓至必爲治酒。酒酣卽賦詩。詩有云。得魚便沽酒。有酒且留人。如此卽爲樂。何須復苦貧。無魚亦無酒。宜主不宜賓。如此卽高卧。何愁不及晨。可謂達人之言矣。同時有五岳十岳諸山人者。率皆以韋布效薦紳氣。最爲可鄙。畎畝中有此庶幾率真。

顧英玉

達士顧英玉先生璪上元人也。仕至副使。卽歸隱。白下

或謂其致仕太早。何以退養清廉。曰。若使宦囊有物。正非所以養清廉也。坐卧一小樓。匾曰寒松。嘗訓蒙。以自給。霍渭崖宗伯。欲以廢寺田百畝資之。拒不納。其固窮若此。

朱君佑

達士朱君佐先生諫。温州樂清人也。仕至副使。卽謝政。歸結廬雁蕩山。儵然有塵外之致。或有勸其出山者。曰。豈以五斗易我五珍。五珍謂龍湫茶。奇音竹。金星草。山藥。官香魚也。五者皆雁山所產。

徐先生

達士徐先生昌閩之宗安人也。潛心理學。以明經訓導。莆田親喪。田籍服闋不起。或勸之再仕。昌泣曰。吾爲升斗祿。冀養親也。今親不逮。養奚仕。爲遂築室武夷山中。深藏不山。

來矣鮮

達士來瞿塘先生知德。字矣鮮。蜀之梁山人也。幼有至行。嘉靖時舉於鄉。歸養不出。共學以致知爲本。敦倫爲要。有司疏薦。授翰林院待詔。不赴。生平著述甚宏。惟易

注獨殫心力先讀易於釜山草堂六年不能窺其門遂
乃遠客萬縣瞿塘深山之中沈潛反覆忘食忘寢久之
豁然有悟積二十九年而後成書以後觀天地察造化
與物無觸悠然自得而已

羅整菴

處士羅整菴先生名欽順字允升江西太和人朝廷屢
詔不起嘉靖中復徵爲吏部尚書亦固辭是時璉等用
事整菴岩居杜門潛心格致之學嘗云立身行己必先
打破義利關頭否則擾擾到底所著有困知紀

謝子佩

達士謝子佩先生廷蒞富順人也嘉靖進士官浙江簽
事遂歸養不出萬厯初巡撫會省吾奏廷蒞隱居三十
年著書樂道宜加京秩風勵山林詔即家贈太僕少卿
時人稱爲山中太僕

陸子傳

達士陸子傳先生師道長洲人也登嘉靖進士甫仕儀
部即告歸養時年未三十也杜門却掃三十餘年手抄
典籍數千卷風流儒雅爲世所宗而其清高好道尤人

不能。

李印南

逸士李印南先生應箕字子騎黃岡麻城人也慶曆間世尚苛條遂為老圃不出時兩廣賦稅頻加南北之民多有如菜色者印南作老圃吟曰吁嗟圃兮吾與爾猶存吁嗟蟲兮毋嚙我菜根肉麋肉麋此上人之所食而非野人之所宜聞者咸太息焉嘗於鋤下掘一龍神像朝夕虔奉忽夢有金甲碧面者與語片時以後決未來事效應如響一日謂其弟與子曰今蜀三大寇已平矣

賢者避世其次避地乃背其神往遊跡用中

虞長儒

達士虞長儒先生淳熙錢塘人也萬曆進士仕吏部主事解官歸得葛嶺栖霞之勝衝煙躡屐終日陶然黃寓庸傳之曰以儒為行以玄為功以禪為歸以山水為寄托以詞翰為遊戲誠足囊括平生矣

安我素

達士安我素先生希範無錫人也仕吏部主事以昌言罷官歸杜門不出出則乘一舫圖陶元亮張季鷹蘇端

明米南宮諸名賢於倚寬爲煙水伴恣其所之樂而忘返

姚公綬

達士姚公綬先生綬嘉善人也由御史出知永寧府解官歸作滄江虹月之舟往來吳越間望之者宛若神仙中人家設亭館名曰丹邱人稱爲丹邱先生

周叔大

處士周叔大先生奕滇之金齒人也幼而竒嶷長益凝重其學問一以知止爲歸力耕養母不撓勢利嘗遇一

丹士欲以術授之奕曰多金何爲內丹何如寡慾外丹何如節用子休矣我儒門道士其取精用宏也以矣

陸嗣端

達士陸嗣端先生澄原平湖人也天啟乙丑進士歷官員外卽以不附東林被察閑住其封事略云臣甘寡援孤立爲硜硜之小人决不依草附木爲疑似之君子由是見嫉東林排之甚力一官罷去長嘯而歸蓋古狂狷之流也每見溪上人家小橋流水恒徘徊久之而不能去

聞隱鱗

逸士聞隱鱗先生龍鄞縣人也寄懷高遠托跡衡茅每當風來竹外雲冷松根輒遂其蕭野之趣或稱其詩如溪上人家曲几疎窻長與水雲弄色吾謂其性情亦然

陳仲醇

逸士陳仲醇先生繼儒號眉公華亭人也年甫壯即棄名習隱結廬於小崑山之陽買舟載書稱無名釣徒每當草蓑月冷鐵笛霜清覺張志和陸天隨去人未遠

殷方叔

逸士方叔殷先生仲春秀水人也躬耕入樂之南村怡然自樂陳仲醇所謂却羨白頭殷處士鷓鴣聲裏獨耕田者也葭墻茅屋不蔽風雨慕王績為人亦自號東臯好農事之閑以醫爲業得錢入市買斷簡殘書讀之

朱白民

逸士朱白民先生鷺吳人也負奇氣嘗獨游黃山遠尋嵩華崇貞初騎驢入都欲上賦頌不果歸結廬於郡西之華山蓮子峯下躬親井臼不願見豪貴時與王芥菴趙凡夫稱吳下三高而白民爲最

李因仲

達士李因仲先生天植平湖人也崇貞癸酉舉人晚更名確字潛夫隱居龍湫山中萬松臺畔茅屋一間人稱其高蹈遠引詩含清江碧嶂之音

謝彙先

達士謝彙先先生遊宜興人也崇貞癸酉舉人晦跡衡門種菜一畦不入州府陳其年寄懷詩云半畝牛宮繞菜田鋤畦汲水獨悠然芒屨一緇千金值不踏城中又十年

陸茂璩

居士陸茂璩先生連一作連吳縣人也兩中武科甲申後削髮爲僧居蓮子峯下藤蘿窈窕結榻崖中萬峯當戶一澗繞門自號了緣道人有楓江遺稿

黎左岩

達士黎左岩先生元寬南昌人也登崇貞進士歷浙江提學副使以忤溫體仁罷歸構草廬於谷鹿洲與生徒講學淡然自守順治初有薦之者以母老固辭終身不出

方密之

達士方密之先生以智。桐城人也。登崇貞進士官檢討。負海內名。明亡削髮。改名宏智。字無可。號藥地和尚。遍游名山。不返。所著有周易圖烹雪錄浮山全集。

劉念庭

達士劉念庭先生伯淵。慈谿人也。內進士官至按察副使。引疾致仕。年百有餘歲。先生自隆慶五年釋褐。萬曆十六年歸家。至崇貞十一年。春秋已八十矣。時危國變。隱者猶存。八秩自嘲詩。足見其志。詩云。謂我歸田早。假

命不早。有何好。幾人欲歸。不得歸。黃犬東門。添懊惱。問者高之。厥後更名托空子。遂入深山。不見。

張昊東

達士張昊東先生若羲。華亭人也。崇貞癸未進士。甲申以後。潛身村野。躬自灌園。故友訪之。則荷鋤戴笠相揖。於紫瓜白苧之間。破屋數椽。淡如也。或自稱為寒松子。

魏叔子

逸士魏叔子禧。江西寧都人也。明末諸生。與弟禮結廬於金華之翠微峯。偕隱不出。公卿聞其名。皆願見之。弗

往禮字季子。遍游海內名山。與叔子同居翠微。常有雙鶴來伴云。

劉欽爾

達士劉欽爾先生永錫。大名魏縣人也。舉崇貞孝廉。授長洲教諭。明亡。隱於陽澄湖。巡撫欲薦之。以疾固辭。家貧。衣食或不給。處之泰然。常自操舟鼓棹。出至中流。作歌歌竟而返。望夕陽在山。獨婆娑於煙樹之下。

夏元貞

達士夏元貞先生道。大名人也。舉崇貞孝廉。即絕意仕。

進明亡。率婦子入山耕績自食。或操斤作紡車。以鬻人。愛其堅緻。咸爭購之。短衣行歌。聲振林木。間爲詩文。脫稿卽棄去。諸子讀書。只令識字記數。長則牧牛負薪。溷其跡於煙霞焉。

林明儁

達士林位梅先生明儁。平都人也。慷慨有志。少時卽能爲詩古文詞。崇貞甲申。蜀陷。閣部王應熊承旨討賊。膺薦舉第一人。授兵部職方司主事。明亡。不出。順治間。題授副使。稱病不仕。後舉博學鴻詞。亦不赴。結廬桐陰。曠

然自適。隱居三十餘年。嘗在平都請。此余偶臨其筆。贈以鐵肝石膽四字。所著有淡遠堂文集。巴字園詩集。梧桐居近集。存世。

清

黃太冲

處士黃太冲先生宗羲。餘姚人也。受業於明儒劉念臺之門。研究先賢之學。以是從游者。日衆。康熙十八年。都御史徐元文特薦於朝。太冲以疾辭。齋心危坐。力掃外緣。其著述上下于古。穿次羣言。自天官地志。三教九流。

之書無不精研。學者稱梨洲先生。

仇知幾

達士仇知幾先生兆鰲。字滄柱。鄞人也。少從黃宗羲講切性命之學。為諸生有盛名。官吏部右侍郎。即引疾歸。與會稽陶存存研窮修養秘旨。久之。松顏鶴貌。照耀山林。蓋浩然有得者也。所著有四書說約。杜詩詳解。及黃老參悟諸書行世。

陶存存

達士陶存存先生素韜。

元名韜。式王。

會稽人也。少游越水吳山。

燕臺金闕其才華益盛。乃初得科第。卽退處山陰。往來
霍僮洞天。遇方外至人。傳以修養祕法。遂焚時藝之文。
作道言五種集註。及丹家雜義。以招後學。仇知幾稱其
笑傲林泉。樂天達命。洵知言也。自號清淨心居士。又曰
通微道人。

顏欽明

達士顏先生欽明。戎盧人也。康熙丙午舉於鄉。研窮經
史之學。吳三桂據蜀時。士大夫多爲迫脅。欽明獨抗節
不出。蜀平。結屋於玉蟾山下。終身不跡城市。

沈越溪

逸士沈越溪先生巨儒。萬縣人也。寄懷高尚。肥遯山中。
自號西溪野人。四川總制李培之。知其夙學。勸之仕。不
應。關堂數椽。日以冷笑爲樂。望眉宇者。咸目爲巢父許
由。

程伍喬

達士程伍喬先生。夢星江都人也。登康熙進士官。編修
以丁艱歸。遂終身不出。蓋淡於榮利者也。築徐園。並漪
南別業。謳吟偃仰於其中。每當竹搖翠雨。雲度湖陰。便

與幽人佳客烹茶啖餅。卽景言詩望之者不啻有孤雲
棲鶴之象。

張幻花

達士張奕山先生。梁婁縣人也。登康熙進士。卽退隱西
溪築葆閑堂。十景備水竹花藥之勝。奕山善鼓琴。遇山
水深處及風月佳時。安絃動操。仙馭爲之停空。子姪皆
顯貴。或勸之出山。清要可立致。笑不答也。心空及弟專
務禪修。自號幻花道人。

金壽門

逸士金壽門先生。農錢塘布衣也。天懷冷峭。不與時趨。
歲晚務閑。得人忙我暇之趣。嘗於朧月杪出其家釀。要
諸鄰翁談笑。泛論古今。逸民真高士也。中年作汗漫游。
徧走齊魯燕趙秦晉楚閩而歸。嘗願如蘧邨道人。日行
千里。又願如玉溪生。打鐘掃地。作清涼山行者。乾隆間
寄跡揚州。隱於書畫之間。

李客山

逸士李客山先生。果長洲布衣也。讀書味道。隱於南岡。
忍飢誦經。衡門兩板。時或樵薪不繼。怡然也。嘗云富貴

可樂不如神仙朝市可住不如林泉乾隆間巡撫雅公聞其名訪之避而不見真吳中高士也

趙鷗白

達士趙鷗白先生翼一號甌北字雲松陽湖人也乾隆二十六年探花及第官貴西道以母老乞養遂不復出鷗白休官既早遊屐亦寬嘗游天台雁蕩武夷諸峯洒然有挾仙遨遊之想過貴州福泉山徘徊於禮斗亭中錄打坐歌去晚年飯後行逍遙法遂得年登大耄管領林塘者凡數十年

殷果園

逸士殷果園先生如梅元和人也安貧樂道幽節自貞人或訪之則見曲水一灣衡門兩版在橫橋疎柳間簞瓢屢空自如也嘗題一聯云林卧真堪忘歲月心閑應不愧神仙余神遊見之直評其爲逸士

吳竹橋

達士吳竹橋先生蔚光昭文人也登乾隆進士官禮部王事初入詞館卽改儀曹渴慕烟山復辭華膺向禽之志切箕頰之清深矣嘯傲湖山覃研文史搜奇碑版跌

252
3118

利平詩以清淨爲宗。闢草堂於太湖之濱。門前七十二
峯。青入座間。註陰符經解及道德句解。燦然可觀。自營
藏脫居。題一聯云。滿山靈草。仙人藥。一徑松風。處士墳。
余神遊見之。

